

ÁKVÖRÐUN SAMEIGINLEGU EES-NEFNDARINNAR
nr. 98/2001

frá 13. júlí 2001

um breytingu á bókun 31 við EES-samninginn
um samvinnu á sérstökum sviðum utan marka fjórþætta frelsisins

SAMEIGINLEGA EES-NEFNDIN HEFUR,

með hliðsjón af samningnum um Evrópska efnahagssvæðið, eins og hann var aðlagður með bókun um breytingu á samningnum um Evrópska efnahagssvæðið, er nefnist hér á eftir samningurinn, einkum 86. og 98. gr.,

og að teknu tilliti til eftirfarandi:

- 1) Bókun 31 við samninginn var breytt með ákvörðun sameiginlegu EES-nefndarinnar nr. 112/2000 frá 15. desember 2000⁽¹⁾.
- 2) Rétt er að útvíkka samstarf samningsaðila þannig að það nái til undirbúningsaðgerða vegna samstarfs á sviði stefnu í mennta- og æskulýðsmálum – stjórnsýslukostnaður.
- 3) Rétt er að útvíkka samstarf samningsaðila þannig að það nái til undirbúningsaðgerða vegna samstarfs á sviði stefnu í mennta- og æskulýðsmálum.
- 4) Því ber að breyta bókun 31 við samninginn til þess að þetta útvíkkaða samstarf geti hafist með gildistöku frá 1. janúar 2001.

⁽¹⁾ Stjtið. EB L 52, 22.2.2001, bls. 37 og EES-viðbætur við Stjtið. EB nr. 9, 22.2.2001, bls. 4.

ÁKVEDIÐ EFTIRFARANDI:

1. gr.

Bókun 31 við samninginn skal breytt sem hér segir:

1. Eftirfarandi málsgrein skal skotið inn á eftir e-lið 2. mgr. 4. gr. (32000 D 1934):

„2f. EFTA-ríkin skulu frá 1. janúar 2001 taka þátt í aðgerðum bandalagsins sem tengjast eftirfarandi fjárlagaliðum sem færðir voru inn á fjárlög Evrópusambandsins fyrir árið 2001:

- **B3-1 0 0 0A:** „Undirbúningsaðgerðir vegna samvinnu á sviði stefnu í mennta- og æskulýðsmálum – stjórnsýslukostnaður“.
- **B3-1 0 0 0:** „Undirbúningsaðgerðir vegna samvinnu á sviði um stefnu í mennta- og æskulýðsmálum“.

2. Eftirfarandi komi í stað 3. mgr. 4. gr.:

„EFTA-ríkin skulu leggja fram fé til þeirra áætlana og aðgerða sem um getur í mgr. 1, 2, 2a, 2b, 2c, 2d og 2e í samræmi við a-lið 1. mgr. 82. gr. samningsins.“

2. gr.

Ákvörðun þessi öðlast gildi hinn 14. júlí 2001, að því tilskildu að allar tilkynningar samkvæmt 1. mgr. 103. gr. samningsins hafi verið sendar sameiginlegu EES-nefndinni^(*).

(*) Engin stjórnskipuleg skilyrði gefin til kynna.

3. gr.

Ákvörðun þessi skal birt í EES-deild og EES-viðbæti við *Stjórnartíðindi Evrópubandalaganna*.

Gjört í Brussel 13. júlí 2001.

Fyrir hönd sameiginlegu EES-nefndarinnar
Formaður

E. Bull

Ritarar
sameiginlegu EES-nefndarinnar

P.K. Mannes M. Brinkmann